

吳江縣續志卷二十一

文苑上

迺雲龍王藻周汝舟吳張元

金士松周兆基殷壽彭

李重華 子光運

周日藻 子汝翼

顧我鈞 陳鍾英

袁棟

沈祖惠

金學詩 周元瑛

沈剛中王元文

徐大椿 父浩子曦

吳江縣續志卷二十一目錄

袁景輅子棠 棠子陶性寔

顧汝敬 子兆曾

陳毓升毓咸

楊復吉

趙基子齊嶧函 齊嶧子雲球

潘鶴

任兆麟周恂 趙振業

朱景蘇李王猷

沈璟沈大本

邱岡邱璋邱璿 岡子孫梧孫錦汝階王浚翻

史善長 從子欽充

陸俊



吳育子汝廣

吳江縣續志

卷二十一 目錄

二



文苑上

乾隆元年

特詔再開博學鴻辭科中外薦者二百六十七人而吳江薦者五人曰沈彤廷雲龍王藻周汝舟吳張元震澤一人曰陸桂馨自十一年

御試試皆未入等沈彤見儒林傳廷雲龍湖北巡撫吳應棻薦雲龍字耕石雍正十年順天副榜第一才氣高岸方候試時

高宗命給月俸銀人四兩上謝表出雲龍手又爲京都賦數千言全祖望採之入詞科撫言雲龍旣試不用都統襲一等公慶福督雲南知雲龍才聘之幕府時開金沙港定交趾亂

吳江縣續志

卷二十一

人物六

一

慶福移督川陝雲龍仍從平大金川慶福欲上雲龍幕府參贊功辭歸金川之平也逆首班滾設計自焚而遁上奏謂班滾已焚斃雲龍言班滾存歿未可知宜以實告不聽後

上知班滾在慶福旣入閣坐是得罪雲龍爲文長駢體詩有奇氣得江山之助後郭麐搜其遺文不可得而今里人得其未刻詩稿云王藻字載揚都察院左都御史孫國璽薦時戶部侍郎李紱薦已六人格於例限乃以藻屬孫孫有難色侍郎怒責孫蔽賢孫侍郎門下士也長跽請罪允薦乃罷

上聞以紱浮躁失大臣體鐫二級人願以李侍郎爲愛士也藻居平望家貧業販米湖州沈編修樹本見其詩愛之爲之延譽名遂起藻詩桐城劉大魁序之曰載揚不屑爲科舉之學獨肆力於歌詩性又疏放家貧衣食不足以贍而好載籍



筆墨彝器雕刻玩弄之具至於惡衣糲食人笑之不悔昔米芾作唐人冠服違時異俗人謂之顛載揚亦似顛倪瓚構雲林之堂置古鼎尊彝玉罍人謂之迂載揚亦似迂而載揚之窮則昔之顛與迂所不及宜其詩之每進而益工也載揚之詩其雕鏤刻畫之巧未嘗不與其玩弄之具同如珠如玉如蜀錦之新濯如藻火粉米之煌煌蓋其工如此錢塘袁枚亦云載揚貌瑣瘦急遽小音聲好蓄宋版書青田石印章人有誤墮地碎之垂泣三日其風趣如此周汝舟字道夫龍藻子也龍藻見前志汝舟以郡諸生入太學內閣學士吳家麒薦之後游山左陝甘總督慶福招修陝西通志歸里卒年七十九矣吳張元府石志作變字萬長父景果見震澤志文學傳張元好讀書能騎射性耿直負氣補常熟諸生推歸吳江兩江總

吳江縣續志

卷二十一

人物六

二

督趙宏恩薦之遂客京師時出游顧所至不名一錢既倦游歸貧甚棲紫陽書院攤書數百卷遇達官貴人以先輩自居坐上座抗言論古今不少遜有來令吳江者舊弟子也來謁以其困欲有所言張元正色曰若令於斯廉潔愛民於我有光矣他勿言令唯唯而退無子遺稿皆散佚汝舟弟汝雨舉乾隆元年孝廉方正

金士松字亭立乾隆二十五年進士周兆基字廉堂乾隆四十九年進士殷壽彭字雉樹道光二十年進士士松三人仕乾隆嘉慶道光三朝皆以文學受

上知遇屢掌文衡之任士松以編修晉位至兵部尚書謚文簡入祀鄉賢祠兆基占籍江夏亦以編修晉至禮部尚書壽

彭



殿試二甲一名授編修官至詹事府詹事士松三爲直隸學政典福建浙江江西鄉試各一一充會試總裁兩充武會試總裁三充

殿試讀卷官兩

命爲大考翰詹讀卷官兆基視學陝甘安徽旋調順天奉命審理浙江科場事卽視學浙江又三典鄉試一充會試總裁一充

殿試讀卷官又充

文穎館會典館副總裁 國史館副總裁壽彭以編修充

武英殿纂修官大考一等二名擢侍講學士充起居注官爲山東學政又爲廣東學政任滿復留時遭母喪粵賊亂道梗未達遷詹事府詹事

吳江縣續志

卷二十一

人物六

三

命下已卒於任壽彭弟壽臻官翰林院編修

李重華字實君父寅見前志重華少從長洲張大受游復學於秀水朱彝尊益都趙執信張清恪伯行撫吳創紫陽書院令諸生講說尚書重華與焉成雍正二年進士授編修時重華母年老寓書勉其供職及母歿奔喪歸慟絕而蘇得嘔血疾服闋補官典試四川旋以保舉案落職時長子治運方爲刑部郎中乃僦居京師陳文恭宏謀撫陝聘主關中書院爲諸生講明經義後治運按察安徽迎養每訊鞠必從屏後隱聽有所平反則喜乾隆十六年

高宗南巡重華方家居迎

鑾獻詩賦

詔復編修銜年七十四卒重華於詩天才亮特其登臨山水



之作尤得江山之助自定詩集及詩話呈

御覽子治運光運治運有傳光運以詩與錢塘袁枚友善

周日藻字旭之明忠毅公宗建曾孫也少從從兄振業龍藻學以名行自勵成乾隆十年進士不樂仕進吏部咨取不謁選終身以教學爲事張清恪伯行陳文勤世倌皆遇以國士文端鄂爾泰延教諸子先後七年不以他事一有干請後主六安書院以終子汝翼字右民諸生亦通經敦行能世其父學

顧我鈞字陶元兄我錡見前志我鈞少學於兄邃於經學中乾隆九年舉人三試禮部未第歸教授鄉里卒年五十一著有昏禮集傳一百卷乾隆中言經學者必推沈彤而我鈞年輩與之埒其爲昏禮集傳也以爲昏與喪人事之始終慨世吳江縣續志卷二十一 人物六

四

行禮之失思取二者綜其經文詳其注義旁採子史百家之言使法戒並存旣得徐尚書乾學讀禮通考曰喪禮可無更輯矣入都秦文恭蕙田方奉

命修五禮通考我鈞與參校焉我鈞以爲秦氏之書體例終不與徐氏合且與己所欲爲亦有大槪不侔者乃歸而終成之卷帙旣多當時未有能刊行者而今則旣佚矣僅存其自序言著書之旨如此後道光時有陳鍾英治經與我鈞等鍾英字英多岫子諸生周官鄭氏注能背誦無遺自言私淑惠松崖與震澤張士元論左氏正朔往復四千餘言士元深歎服焉其著書甚具今皆佚

袁棟字國柱同里人父潢長洲籍附貢生生平不信佛教及鬼神之事屏絕禱祠父喪不作佛事曰吾不敢陷親於罪戾



也棟監生務爲博綜之學自唐宋以來經典雜家之書攬摭解剝披覽指要成書隱叢說十九卷而於戴記一書合前賢衆說更定裁易成禮記類謀三十六卷尤生平所注力他所著見藝文志

沈祖惠字吧望其先烏程人父贅平望李氏生祖惠因冒姓李通籍後始復姓幼奇慧補嘉興縣學生爲文貫穿六經浸淫左國班馬氏書高古鉅麗雍正己酉拔貢

廷試第一未得用游陝西前後八年周歷秦中山川風土悉紀以詩爲西征賦幾萬言論者以爲三都兩京之後不多得之文也乾隆十七年春 恩科鄉試第一秋會試第二成進士歸班需次主講姚江書院二十二年授江西高安縣知縣治獄多平反以望誤降調以教職用卒於家年六十七

吳江縣續志

卷二十一

人物六

五

金學詩字韻言士松弟也乾隆二十七年順天舉人國子監助教時士松方貴顯而學詩不樂仕進戛然自遠歷主瀋陽青州儀徵笠澤書院縱游西北東南諸山水雅意著述其詩氣體華贍中年後專尚性靈有蕭曠自得之趣直隸總督周元埋弟元瑛字玉存性亦恬淡方兄官直隸時往來南北所過名山水必託諸吟詠焉以附貢生終

沈剛中字需尊父芳見藝術傳剛中博物強記論古今日張口多嘗渡錢唐入豫章越梅嶺抵南粵浮海至惠州還客贛江足跡所至一發之於文其爲贛州府志移書當事謂當爲盧光稠立傳又請開福壽溝以興民利前後數百言皆非經生常言剛中雖困於無資地長爲布衣以老而其特立獨行之概固不屑與小生曲儒較短長也陸燿序其文集如此剛



中家蘆墟之北自號曰北溪同時王元文居黃溪亦自號北溪人稱爲兩北溪云王元文字舉曾少時家貧父令之賈元文必篝火誦讀不輟顧我鈞見其文勸令卒學乃輟賈繼游沈祖惠之門而文益大進沈文慤德潛方以詩倡導後進元文始爲之久乃自度非實用乃益探經史務窮其本原與震澤錢大培交最密大培善陸燿元文因大培交燿時燿方爲山京按察使元文往見論學甚相得後燿巡撫湖南元文貽以書言民生計日感當思藏富於民之道州縣匱乏拮据以事上官爲苦又言湖南邊境苗獠雜處遠人亦人耳血氣心知無異中土釁端之啟多由與之爭利又言功名事業非難隱微克治爲難時燿已病亟得元文書口授其甥答之元文恬澹樂易見理甚明終其身不見憂貧傷賤之色後遷震澤吳江縣續志卷二十一 人物六

之梅堰

徐大椿原名大業字靈胎又自號洄溪祖欽見前志父養浩熟於東南水利靈胎性通敏喜豪辨覃思周易道德陰符家言久之有契乃旁搜天文地利音律技擊之術皆得其要領而於醫學尤邃以諸生貢太學尋棄去專以醫活人往來吳淞震澤間益以曉諸水源流順逆淺深通塞之故縣有興作靈胎輒持正論鑿鑿有司不能奪乾隆二十七年巡撫莊有恭將開震澤七十二港以洩太湖下流水靈胎白言其五十餘港非太湖下流開且無益又將壞室廬墳墓不可算數惟附城十餘港濬之便後卒從其言靈胎抱用世之才於水利家一也既不屑爲齷齪小儒又不欲以文字自表見顧際不得發世乃以醫重之乾隆二十六年奉



特召至京師視大學士蔣溥病密奏過立夏七日當逝至期果薨

上欲授以官力辭歸後三十六年復

召抵京以疾卒於寓年七十九其奉

召時

諭旨稱其字遂以字行靈胎與沈彤善彤學優於考古而靈胎務知今兩人者交相資也嘗創新樂府曰汨溪道情警動

剴切工林誦之子熾字鼎和靈胎奉

召時熾從靈胎卒京師熾居喪盡哀禮文成公阿桂與爲布衣交熾不屑爲科舉之學亦以醫名然熾亦非醫者流也

袁景輅字質中自號樸村同里人嘗與里中陳毓升七人爲竹溪詩社就正於沈文懋德潛時文懋以唐音力紹詩家正

吳江縣續志

卷二十一

人物六

七

軌景輅宗仰之嘗輯邑人詩自國初以來爲松陵詩徵三十卷其精純可比國朝別裁云子棠字甘林號湘濂師願汝敬而友郭麐朱春生棠爲詩於五言尤長其言情之作頗穎婉篤於唐人最契孟襄陽習襄陽詩鍊意局而不鍊字句故有從容和雅之神無慘澹經營之跡杜陵晚年間造此境世乃以高抗擬杜以閒冷擬孟遠矣而郭麐尤稱其詞謂其學詞後於麐而用力之人嗜之篤及於而且工也則過於麐其見推許如此嘉慶元年學孝廉方正棠之子陶牲宓陶牲字彥羣從朱春生學年十七卒於杭州宓字仲容春生女夫亦從春生學年二十二亦卒春生稱陶牲詩抒寫性情流連光景委折深至成讀書有論古識婁姚椿選其文入國朝文錄詩宗昌黎山谷其死也朱春生尤慟之



似汝敬字配京一字蔚雲與袁景輅諸人爲詩社所稱竹溪  
七子者也汝敬少力於學經史百家之言靡勿究既數奇不  
偶則以其學教授後進各視其材而造就之袁棠朱春生皆  
及汝敬之門而又享大年遠近推爲老師祭酒焉內行醅備  
色尤粹然以溫接人恂恂然年六十四喪其才子兆曾兆曾  
工畫震澤張棟弟子也汝敬毅然自信其有後買妾越七年  
果生子汝敬年七十矣又十年嘉慶元年以 恩貢生應鄉  
試循 恩例  
欽賜舉人周孝均字叔雅後汝敬七年亦以年八十  
欽賜舉人明年應禮部試  
欽賜國子監學正

陳毓升字行之父震沂見前志附傳流升性靜默與人接儀

吳江縣續志

卷二十一

人物六

八

容藹然其爲詩清退高卓袁景輅之輯詩徵未卒業而卒毓  
升爲踵成之從弟毓咸字受之倜儻好議論踔厲風發尤熟  
於有明一代掌故與 國朝百餘年之文獻抵掌論述不遺  
名地蓋其家世自高曾以來多識易代同遺老記籍往往可  
與史冊相考證後私書之禁枵嚴慮有根觸銷毀殆盡而毓  
咸性强記少所觀覽至老不忘言之歷歷若前日事詩才氣  
雄傑足以供其驅使嘉慶元年成進士授國子監學正以年  
老歸里無子朱春生搜其遺詩得二百餘篇毓升以諸生終  
楊復吉字列歐祖浚雍正五年進士廣西興業縣知縣有政  
聲復吉乾隆三十七年進士籍震澤吏部截取知縣年未及  
壯不謁選嘉慶元年知縣唐仲冕將舉孝廉方正復吉固辭  
一志著述好樓居足跡罕至戶外著書甚富以元蘇天爵文



類未及元統之後輯元文選三十卷以錢唐厲鶚著遼史拾遺有未備輯遼史拾遺補五卷他所著尤眾見藝文志嘉定王鳴盛與復吉辨論尤推服之

趙基字開仲黃溪人劉文清塘督學江蘇時以古學試蘇松士得十餘人自爲程課基與長洲王芑孫尤所賞識基爲詩文典麗宏博以歲貢生授金匱訓導地當南北孔道士大夫往來者無不艤舟造訪焉子齊嶧雨齊嶧字嶽青性冲澹於世味泊然嘗客湖南巡撫姜晟幕又游浙東皆不久卽歸函字良甫負才氣屢出游嘗從護琉球貢使入 都在邦上佐鹽運使鄭祖琛選乾嘉兩朝詩一百四十卷所見專集獨多故尤能別白其流派元和朱綬謂函詩厚固其根本而發榮於枝葉如奇木然內堅韌而外文理非章飾句句飾字而亦

吳江縣續志

卷二十一

人物六

九

不廢章句字也齊嶧子雲球嘉慶癸酉拔貢

廷試第一授刑部七品官假歸卒自基至雲球四人詩見藝文志

潘鶴字玉堂幼時父病思食魚鮓提筐市魚日走數里會雨甚踣而歸足滑入水兩子奉筐出水面筐中魚無逸出者父歿事後母尤以孝聞弱冠補諸生於太極西銘正蒙能探其蘊奧兼通風角堪輿之術而不以眩人性不能容人過頗以此自病常自克治佐人校文江右有某縣生贈以金正色拒之徐相字邦良乾隆十五年舉人其詩曰扣舷集潘鴛爲之序

任兆麟字文田思謙子也少應試恥有司防檢太苛遂棄去專心撰述其書有曰心齋十種其自爲曰夏小正補注石鼓



文集說孟子時事略絃歌古樂譜綱目通論其輯古之逸書  
爲之者曰尸子四民月令襄陽耆舊記文章始壽者傳其爲  
夏小正補注也本鄭仲師周官注移主夫出火一條於三月  
時有見稊始收一條於五月又補采芑雞始乳二條嘉定王  
鳴盛序其書以爲確當又嘗編錄三代兩漢遺書始夏小正  
丹書終荀悅漢記凡五十六種曰任氏述紀其自爲者又有  
孝經本義尚書古文敘錄毛詩通說春秋本義朱子粹言聲  
音表詩曰心齋詩稿成書之多未有若兆麟者嘉慶初元舉  
孝廉方正年八十餘卒周恂字右序新杭里人嘗著易圖貫  
義以伏羲太極配河圖濂溪太極配洛書明先後天卦畫之  
原復述乾坤坎離四卦以申天地水火卦實雜四之義凡先  
後天方位次序及蓍策變占之道並爲圖以發明之各爲說

吳江縣續志

卷二十一

人物六

十

以綴其後計爲圖六十說二十有四其書實有所心得惟中  
採用時憲書爲未檢也趙振業字開宗治經長春秋乾隆三  
十九年舉人授石埭教諭其籍震澤也

宋景懃字蘭城新杭里人以歲貢生署崇明丹徒教諭景懃  
爲詩師事沈文懋嘗自署曰私淑新城親炙長洲賦聞川權  
歌一百首人比之竹垞鴛湖權歌聞川卽王江涇屬吳江者  
爲新杭里也李王猷字顯若亦新杭里人震澤籍諸生與秀  
水計光炘陶淇善淇贈詩有蘆雪菰烟老釣師句王猷喜以  
爲肖其爲人因爲圖並以名其詩嘗繼其里人孟彰輯聞湖  
詩續鈔七卷

沈璟字樹庭西濠港人嘉慶五年舉人璟爲人坦率和易不  
爲矯激孤亢之行家貧甚友愛於兄弟終歲館穀所入已無



無私焉其生平憂樂常變之故盡發於詩其詞溫密沈大本字啟文邑諸生詩宗蘇陸尚性靈其爲人質直好面折人過然敦內行亦如璟

邱岡邱璋邱璿三人兄弟也黎里人師事王元文時有三邱之目岡字崑奇璋字禮南璿字琢衡邱氏言學多參和朱陸出入二氏璿晚年尤好作禪語其詩蹊徑獨闢岡子孫梧字後同尤多所涉獵奇闢警恣不可繩尺而孫梧弟孫錦字晝堂工書出入蘇米其詩陳來泰序之以爲德人之言也諸邱皆有專稿見藝文志黎里又有汝堦玉字秋士徐達源稱秋士爲詩至空窮炊烟不續不以屑意好飲酒醉則論古今事不倦人厭苦之或稍稍引避旣死達源刻其遺詩三卷邱璿復以比之長洲彭秋士云秋士詩里人凌翻爲之序翻字丹吳江縣續志

卷二十一

人物六

士

起諸生詩以性靈爲宗有木庵稿

史善長字誦芬一字赤霞謝天港人明徵士鑑裔孫也善長生乾嘉間以詩名於時其詩凡數變其少所作明麗豪宕後遭遇困頓則幽憂悱惻及游秦隴復變而爲鏗鏘激楚有北地遺風旣從軍楚中則感事抒詞極慷慨激昂之致當是時畢尚書沅王侍郎昶姜尚書晟皆愛士畢尤稱號召天下才士善長先後在其幕府最久方辦教匪時飛書草檄屢欲保其功堅卻不許尚書卒護其喪以歸後以病酒卒於家其詩柳樹芳刊之善長從子曰致充字若泉性孤介寒峭詩亦似之嘗客四川獨游峨嵋山遇虎年七十餘以諸生終

陸俊字皆千自號鶴癯道人諸生平望人少得略血疾遇道士教以澄心內視之術遂不出獨居一室飲食衣服皆自牖



久之出則酣嬉如童子時人或以爲狂或以爲癡不之識也  
爲文汪洋恣肆不可繩以法度見人有作輒精解畫山水頃  
刻數十幅立就題語輒灑灑數百言多禪語試爲醫能愈人  
所不能愈卒之前一夕召親朋畢集時故無恙也忽瞑目跌  
坐而卒後數年長洲顧元熙爲俊志墓之文曰俊其有得於  
靜者與人心猶水然澄於靜而濁於動人固有汨沒乎聲色  
貨利至其久而墮易精魄盡喪其疇昔之所能特數十年之  
積漸不及覺耳反是則爲俊之所爲人驚其能之驟而不知  
其積漸之久也

吳育字山子兆騫後人居城東門外曰歸來草堂然育常客  
游晚乃寓常州江陰李兆洛涇縣包世臣盛稱育古文及其  
篆書然其文不得見僅見涇縣朱游所選 國朝古文彙鈔

吳江縣續志

卷二十一

人物六

三

中數首而已文品簡而淡與宜興吳德旋相伯仲其爲鄧石  
如傳尤能言其書法體勢今國子監祭酒視學江西曰仁傑  
者育從孫也仁傑言少時見育手評史記漢書承祚三國志  
其子汝庚爲之重錄六安晁氏刻說文解字其篆文乃育所  
寫汝庚字巽先李兆洛弟子通說文小學祁文端雋藻視學  
江蘇時刻說文繫傳其篆文汝庚書也今後人爲常郡人矣